

Lai-goa-kho Khan-hou-hak
3 nau-chhut-hoeh

Lāi-gōa-kho Khàn-hō-hák Tē 36 Chiuⁿ Lūn Sîn-keng Pīⁿ 563-564

Náu-chhut-huih: Gōan-in: Nî-hè: Lâng ná-lāu ná-khòai tú-tiòh chit hō pīⁿ. Lâng nā khah pûi, âm-kún té khah khòai tú-tiòh. Sîn-chōng pīⁿ. Sim-khok-tiong. Ta-po-lâng khah-chōe. Tōng-mèh pīⁿ, chiū-sī tōng-mèh piàn-tēng á-sī piàn-nōa. Tōng-mèh pīⁿ ê gōan-in chiū-sī chiáh chiú, kè ím, kè lô, mûi-tók; chiah-ê iū-gōan sī náu-chhut-huih ê gōan-in.

Chèng-chōng: Khah-siōng hut-jiân tú-tiòh. Ū-sī chiáh-pá, ū-sī chhut tōa lát, pòah-tó, m̄-chai-lâng. Hō-hiph bān koh tōa siaⁿ. Tōng-khóng-sàn-tāi. Chhut-huih tī náu ê só-chāi òe koan-hē lái pīⁿ chōan-sin-bâ-pì, á-sī pòan-sin-bâ-pì, á-sī kiók-pō-bâ-pì.

Tī-liâu: Gōan-in liâu-hoat, chhin-chhiūⁿ mûi-tók.

An-chēng-liâu-hoat. Tāi-, siáu-piàn tiòh chù-ì. Tiòh tī-hông jiók-siong, eng-kai tiòh khùn chhiū-leng-jiók-á. Sóae bák-chiu; ēng liū-tōng-sèng ê sít-bút. In-ūi chhut-huih lái teh-tiòh náu, só-í tī hia só kóan ê pō-ūi òe bâ-pì (piàn-sūi). Ū-sī hit ūi só teh ê só-chāi òe nōa-khì, kàu bé khih-siu, pīⁿ chit-ê siong-hùn (癍痕, *scar*). Tiòh chai chit hō sī gûi-hiám ê pīⁿ.